

ANPAO.

PUBLISHED BY THE NIOBRARA }
CONVOCATION. }

“Wankantanhan
Anpao kin hiyounhipi.”

{ PRICE, SIXTY CENTS,
{ Wokajuju Kašpapi Šakpe.

Vol. VI. No. 1.

DECEMBER, 1886.

Address ANPAO, Greenwood, Dak.

WOTANIN ENANA.

Holiboju en oyate kin wicaya-wapi qa wicašta 2,900 en unpi keyapi.

October 22 ehan Wakpaipaksán en wape keyapi.

North Dakota en Oliver Dalrymple eciyapi makobašpe (*acres*) 31,000 owasin oju kta keye.

Dakota yaunpi kin wetu eca woyajupi kta e wanna malidabdupi he.

Dalrymple tamağa en anpetu iyohi acres 750 yumdupi keyapi.

Hesapa ekta Rapid City otowe wan eciyapi, wicašta 3,000 en tipi.

Wakpaipaksán wayawapi kin dehan tanyan econpi keyapi.

Kampeska Mde ekta, Watertown en mahiyumdu okage wan haa. Nina ota kağapi qa wiyopeyapi, hecen omaka kin de mazaska 7,500 hdamnapi.

Mandan ekta Dakota hokšidan qa Wašicun hokšidan pteawanyakapi icunhan Dakota kin unman kin kte ce eyapi.

Decana Hinhanwakpa opaya Wašicun tatokadan 32 ktepi. Deadwood, Hesapa ekta talcaska hin tkeutapi 75,000 hemani ohna wiyohiyanpata yeyapi.

Webster otowe en decana aguyapi su *bushel* 5,000 opetonpi qa heon mazaska 2,500 kajajupi.

Dakota wanjikši hen opapi na-
ce.

Decana Fort Sully onayanpi kin on ide kta tka. Tka akicita hen unpi kin nina škaupi nakaš hecen takuna ihangye šni.

Wisconsin State en hemani wan Chicago etanhan Imnijaska en ye kta icunhan Rio oinajin en ihuni, qa iyoopta ye kta tuka wanji watošku heca he ape un kin en iciboto qa hecen canpahmihma ya-

mani hulinage qa wicašta 20 is eya wolulinage en tani. Bishop Whipple he hemani kin opa tuka kiunni šni.

Oct. 31 he ehan Chicago otowe en tipi tanka wan ide, qa wicašta šakpe ksuweyapi qa nakun maza koka ota ihangya.

Bdoketu qonhan mağaju šni kin heon mini wanice hecen dehan Dakota Terr. en wowayazan yukan ce eyapi.

Oct. wi qonhan Dakota Kangi wicašta om kiczapi keyapi, qa akicita itancan wanji Kangi wicašta zaptan wicayuzapi.

Washington Terr. en Ikcewicašta unpi kin wicayuwitayapi kta cinpi qa makoce tawapi akam iyaye kte cin Wašicun hduhapi cinpi.

Minisose iwiyohpeyata Dakota makoce kin imahen, woteca taku on etanhan šni tapi sa keyapi.

Hesapa ekta wicašta woju tipi kin Zicatanka ota icaliyapi he etanhan nina wakamnapi; otoiyohi on mazaska nom qa nom sam okise icupi, hecen taku on ojupi qa icaliyapi kin he aokpani kamnapi.

Inyan tankinkinyan mde kin ikiyedat Wašicun hokšina nom wanu kiciktepi.

Sioux Falls en wicašta 8,000 en tipi.

Nov. 5, hehan President Cleveland George W. Baxter, Wyoming Terr. en Governor un kta he kaliniğa.

Šado otowe en Šinasapa wayawa tipi tawapi en Dakota šiceca 40 yuhapi. Bishop Marty nakun heca ode omani kta.

Nov. 13 wiyohiyanpata wape qa 14 hehan icamna kin he Imnijaskadan hiyohi. Wa kin nina šma keyapi.

Montanna en Piegan oyate kin

etanhan šunkawakan manonpi keyapi. Heconpi šni unkanš wašte.

Indian Territory, mašte makoce, Ikcewicašta obe otapi, tuka makoce tawapi sutaya hduhapi qeyas Wašicun makoce kin on nina nağiyewicayapi ece.

Obe wanjikši en unpi kin wooppe hduhapi qa hecen tawaičiyapi. Nakaha Cherokee oyate kin toopepi ohnayan wakiconza tawapi he mniciyapi qa itancan tawapi D. W. Bushyhead wahokonwica-kiye qa: “Oyate tona mašte makoce en unpi kin wooppe on odakonkiciyapi wašte” keya. Ecin Wašicun taku kuwapi kta eca odakonya econpi, qa oyate kin hena taku wašte econpi kta qa ihdo-yapi kta hecinhan, odakonkiciyapi kin on ecedan okihipi, qa he eciyatanhan sutaya najinpi okihipi kta.

Massachusetts ekta Wašicun winyan, Mrs. Putnam eciyapi. wanna waniyetu 102 keyapi. Washington tunkanšina tokaheya te cigon tanyan kiksuya.

Aškatudan miniwanca akasampa Sagdaša makoce en icamna qa heon takuku ihangya.

Nov. 5 Minisota, Wisconsin, Ohio, Michigan, Pennsylvania qa New York States kin hena en waniyetu kin de tokaheya wapa.

Chicago otowe en wicašta litanipi kin heca wicota ihnuhan ayuštanpi. Htanipi wokajuju sanpa cinpi kin heon.

Owakpamni wanjikši en wokpamni wicakupi kte cin, qa ecen pamnapi kta e iwanyakapi kta e akicita itancan wicakaliniğapi. Holiboju en, Capt. W. N. Sage, Conkicakse, Capt. J. W. Bean, Inyanbosdata, Capt. O. B. Reed, Tacejiwakpa, J. G. Galbraith, qa Kangi Owakpamni, J. A. Snyder hena eepi.

Lake Michigan en kilianšica qa is eya on witawata wanjikši kiun-

nipi.

New York otowwe en canka-honpapi wan tauka qa tehanwan-kantu kağapi qon, he etanhan Wašicun wan Donavan eciyapi kañon iyeçiye qa minin hinlipaye qa on cutuhu wan kawega.

Boston otowwe ekta Wayawa Wankantu wan Harvard University eciyapi, qa kağapi ehanthan omaka opawinge sam wikcemna zaptan, qa he nakaha woki-k-suye on nina škanpi. Tunkan-šidan iš eya opa, wicašta okini-hanpi wicota nakun.

Congress en kalinih opapi kin etanhan Democrat hanke sanpapi.

Arizona en Ikcewicašta obe wan en unpi kin Thealpai ewicakiyapi etanhan 700 akilihanpi keyapi. Hecen Gen. Miles mazaska 5,000 hehanyan wowicaqu wicaši.

Dakota Ter. etanhan Congress en kaliniğapi kin, he nakaha Republican heca, qa O. S. Gifford ee. He piya kaliniğapi.

Indian Ter. Choctaw oyate en unpi qa Isantanka oyate kin mazaska ota iwicakicazopi. Hecen mazaska kin he ecen icupi kta Isantanka woyaco wankantu kin en ahipi qa iwanyag wicašipi. Unkan wayaco itancan kin yušan qa Choctaw oyate mazaska tona kapi qon he hduhapi kta keya.

Hecen mazaska 3,073,790. iki-keupi kta.

Tokata mdoketu kinhan Tunkanšina tawicu kin he Imnijaska en titokan hi kta keyapi.

Miniwanca akasam Bulgaria makoce kin en wicaštayatapi tawapi, Russia oyate tokan iyeyapi qa on woakinice qa woškiške.

Cedar Rapids, Ia. en šunktokeca wicaša wan kuwa ahipi qa tancan nina yahidecapi.

Minnesota en ištagona wan ceti škän qa icunhan heyake ide, qa oide kin on ta.

Dakota tona woju tipi kin, wetu kinhan waskuyeca can ocaje wanjikši hudepi wašte, qa mağa okšan can ojupi kinhan pidaciya-pi kta.

Sagdaša Unciyapi kin wanna waniyetu 50 itancan yanke, qa bdoketu kinhan wokiksuye on wapazopi wanjikši econpi kta.

Carlisle, Pa. wayawa tipi kin aškatudan Apache šiceca 37 en awicahipi.

Dakota wojupi ece kin, wanjikši Wašicun iapi yawapi okihipi hecinhan, Wojupi on wotanin wowapi wan opetonpi wašte. Heca ota kağapi, hunli awašakana, qa hunli wankan wapa kajujupi.

Šado otowwe kin en Nov. 16 hehan lina wape, oape 36 hehanyan qa wa kin siha iyutapi wanjikši. Itokam waniyetu wikcemna hecen wape šni keyapi.

Dakota en Governor kin, nakaha Washington en hi qa Tunkanšidan wanyaka. Wicohan tawa ehnake kta ohinni wiyeya un keya.

Wicašta wanji heya, December wi wiyawapi 5 etanhan 17 hehanyan nina icamna kta, Tokeca wanji kaken iyukean. Dec. ihanke qa Jan. otokaheya nina osni kta, Feb. 9 hehanyan. Qa Mar. kin icunhan nina icamna kta. Ho toketu hecinhan.

Dakota Ter. Democrat Governor wan kaliniğapi. Mr. Church hee.

Michigan bde en icamna hea qa heon wata wanjikši mahen yapi qa wicaša tapi.

Tunkanšinayapi qon Chester A. Arthur eciyapi, aškatudan te do. New York otowwe en ta. Ni qehan okodakiciyewakan unkitawapi kin opa.

Burmah makoce en wokicize econpi.

Manitoba en decen oyakapi. Gros Ventre qa Bloods, Ikcewicaša obe nonpa om kicizapi, qa Bloods ewicakiyapi kin owasin wicaktepi.

Mosanna en woteca 75,000 maka ohdaptapi heca imahen wihanwicakiyapi. Ikcewicašta awanyaka itancan woiyowinkiye wicaqu. Qa heconpi kin on omaka iyohi wokajuju ateyapi qupi kta.

Commission wanji Haliatonwan makoce kpağanpi kta e on wohdakapi kte cin, etanhan wanji enakiya, Bishop Whipple ee, qa J. W. Daniels, Minnesota etanhan tohe qupi.

Ikcewicaša Awanyaka Itancan itokah wiyohiyanpata owokpamni kin hena iyaza omani qa oyate wanwicayanke cin tanyan unpi

qa iyoptapi seca keya.

Kanği wicaštapi kin wanna se tapi se. Hekta omaka 10 hehan wicayawapi qa 3,500 yawapi, tu ka nakaha wicayawapi qa 2,70 ecena nipi keyapi.

Wanna waniyetu koš Kyasi en nina tateyanpa qa on tipi ikcewice ye.

Bulgaria makoce kin on woki-conze umapi on wohdakapi qa alkinicapi. On kicizapi šni kinhan wašte.

Bavaria wicašayatapi kin hnaškinyan ee eyapi.

Irish kin makoce tawapi kin en mağa odetapi qa wojupi ece. He teliya wakajujuwicakiyapi kecinpi qa heon ohinni akinin unpi.

Ikcewicašta taku uwicakiyapi qa pamnapi ecee kin New York otowwe en opetonpi, qa hen woyuha tipi wan hdepi, tuka wiyolipeyata wopeton wicaša kin tipi kin he wiyolipeyata hdepi kta cinpi. Heon otowwe wanjikši token iyukeanpi hecinhan, Commissioner Atkins anpetu kin dena icunhan wowapi qupi kta keye. Chicago Nov. 27; St. Louis, Nov. 29; Kansas City, Nov. 30; qa New York, Dec. 1.

Hitunkana wakpa en talica ota keyapi.

Kanği wicaša itancan, Wakin-yantanka eciyapi, Minišoše hiyuweğa icunhan mini ta.

IKCEWICAŠTA AWANYAKA TAWO-HDAKE.

Aškatudan Com. of Indian Affairs kin wowapi wan kağa qa he en Ikcewicašta token škanpi qa ihdoyapi ohdaka.

Dehan onšpašpa omdake kta. Hekta omaka kin icunhan, Sisseton qa Walipetonwan oyate kin makoce awanyake (allotment) wowapi 17 wicaqupi. Sintehdeška ekta 55 wicaqupi. Hehan Patent eyapi kin denakeca wicaqupi.

Sis-itonwan qa Walipetonwan 3. Haliatonwan 281. Isanyati 123. Saginaw Haliatonwan 68. Puyallup oyate 167. Skokomish oyate 46. Omaha 1. Hotauke 1.

Wisconsin en Ikcewicašta unpi kin wazi cankağa ota kaksapi qa on mazaska kanunapi.

Hemani canku wan Wakpašica

Wis. kaŋapi kta e wana oyate iyowajapi kin wicakicijajapi.

Sisseton makoce ohdaptapi kin opta hemani canku wan kaŋapi kta e token woyowinkiyi icupica hecinhan Com. iwanŋapi qa Congress wana wicakipazo. Inyanbosdata ikiyedon, Fort Yates etanhan Hesapa ekta hemani canku wan kaŋapi kta e dapi. Heon Com. kin ateyapi Dakota owakpamni en unpi kin, hena token oyate tawacinpi hecinhan iwicawangā.

Hekta omaka kin Ikcewicaŋa mazaska hea wicagupi kta iyecceca ŋni kecin qa ohdaka, qa ake dehan iyecen tawacin keya. Nakas Wisconsin en unpi kin mazaska wicagu esta waniyetu kin de akilhanpi kte seca.

Senator Dawes Dakota makoce kin yuhdoke kta e woose wan kaliwicaye kte eiqon, he iye kipazopi ŋni qeas he hecetuda qa taku Dakota tawapi kin he woose kin yuŋtanpi kinhan, owasin tanyan awanwicakiciyapi kta.

Ikcewicaŋa Wasicun wicohan (civilization) nakaha sanpa yuzapi kecin, ecin owasin se inina unpi. Oyate kin hena iyoptewicayin kta on hekta mazaska 7,346,748 kaliniŋapi, tuka iye wana aokpaniyan kaŋa, qa nakaha omaka kin mazaska 5,608,373 yusotapi kta keya.

Eya taku ota cajevata tuka dehan owasin omdakin kte ŋni. Okinni tokata ake wanjikŋi cajemdate kta.

YAOTANINPI.

Tukteked wicaŋa wowapi maqupi qa Wocekiye Wowapi is Odowan Wowapi makidapi. Tokantanhan wiyopewayin kta e waknake ŋni, tka ded Ihanktonwan oyate awanwicabdate cin on heca waknaka. Okinni Wicaŋa Wakan ecekeed yankapi kin is iyeced econpi naceca.

Tka tuwe keceyas tuktetanhan opeuntonpi kin is iyatayena wanji opeton kta cin chantanhan decen econ kta. James Pott & Co. 16 Astor Place, New York City, wowapi wicakicage qa Dakota Wocekiye Wowapi kin wicakida kta: qa unman wakikdake ojuha sapa heca cin kinhan wowapi kin ed kanŋi yamni wowapi kin on qa kaŋapi wanji sanb mazaŋana

noupa iyayeyapi kin on oknakin kta, heced iyuha kaŋapi ŋakdogan sanb mazaŋana ŋakowin. Tka wowapi unman ojuha ŋa heca cin kinhan mazaska wanji sanb okise, on iyayeyapi ko oknakin kta.

Hehan tuwa Odowan Wowapi kin cin kinhan is Mr. Whittaker, 2 Bible House New York City, wowapi kicage qa kida kta. Unman ojuha ikceka, on iyeyapi koya kaŋapi yamni, qa unman wakikdake ojuha, on yeyapi koya is kaŋapi zaptan sanb okise.

Odowan Wowapi tanina kin ataya yusotapi qa heca icupica ŋni.

OKODAKICIYE WOTANIN.

Rev. W. J. Wicks, Canton etanhan ŋado otonwe en hi, qa tipi wakan en cekiya qa wahokonwicakiya. Wicota en hipi qa nina iyokipipi.

New York Bishop ookiye kin nina mniheca qa wicohan tawa kin ota hecen nakaha mdokiŋe cin on ozicaye kta e miniwanca aka-sanpa iyaye.

Easton obaspe kin en Bishop nicapi qa wana wanjikŋi kaliniŋapi tuka wasicun wakan kin wicadapi ŋni. Wanji kicopi tuka ta. Hecen nakaha wanji tokeca kicopi Rev. E. Capers, South Carolina etanhan.

Wicaŋa wakan wanjikŋi tpi Rev. C. W. Rankin, Rev. R. Ritchie, Rev. J. R. Williams, qa Dr. O. J. Shand.

Sagdaŋa Okodakiciye Bishop nonpa kaŋapi.

Hampton etanhan Rev. J. J. Gravatt ŋiceca mawicaya omani keyapi.

Japan makoce kin en wicohan wakan tanyan ayapi, tuka Wicaŋa Wakan qa waonspekiyapi on iyotaniyekiyapi qa Bishop heciya unpi kin nakaha Okodakiciye owancaya cekiyapi owicakiyapi kta cinpi nakas.

Africa en oyate kin yamni kicaŋapi kinhan, wanjidan Christ sdonyapi, kicaŋapi nonpa nahanli okpaza en unpi.

Waziyata Sagdaŋa okodakiciye yanke cin, Athabasca Mde entu Bishop wanji wana waniyetu 21 hitani un qa wana Ikcewicaŋa 5,000 Christian hecapi yukan oya-

kapi.

Africa en Christian kin hena tehiya wicakuwapi. Hekta omaka Bishop wan ktepi, qa ake dehan wicaŋa ota wicaktepi.

New York otonwe en Juda oyate etanhan Wicaŋa Wakan (Itabbe ewicakiyapi kin) Lena mnicijapi qa wohdakapi.

St. Paul otonwe kin en wamanonpi sa hecapi Wicaŋa Wakan wan ti kin etanhan mazaska 600 hehanyan taku manonpi.

Watertown en Methodist okodakiciye he mnicijapi.

Chicago otonwe en Congregational okodakiciye etanhan omniciye tanka econpi.

Nakun Des Moines, Ia. en mnicijapi.

London ekta St. Paul's Cathedral en wicaŋa 3,400 sam iyeya cekiya hipi ece.

Wasicun wotanin wowapi wan en decen eyapi. "Kunwicaŋa Owakpamni ekta Dakota winyan Anpetuwakan aokpani mnicijapi ece qa wakagegepi. Token Wasicun econpi kin is iyecen econpi. Nakas mazaska mnananpi kin on mazahdalida wan opeigitonpi.

Washington ekta Sinasapa wawaya tipi wan kaŋapi kta e wana mazaska mnananpi. Qa yuŋtanpi kta e decana Bishop tawapi hen mnicijapi qa iwohdakapi.

October wi icunhan Sagdaŋa makoce kin ekta Sagdaŋa Okodakiciye etanhan omniciye tanka on mnicijapi.

Hasapa kin wicotapi qa etanhan ota wowapi yawapi kta onspepi ŋni qa dehan Okodakiciyewakan nina onspewicakiya qa Okodakiciye opapi kta e nina ŋkan keyapi. He hecetu do.

Minnesota ekta qa Winona otonwe en Koska Christian Okodakiciye mnicijapi. Minnesota qa Dakota Ter. on omniciye heca, qa Dakota wanjikji opapi keyapi.

Methodist Okodakiciye yewicaŋipi omniciye tawapi kin he wicohan kin heon mazaska 560,447 kaliniŋapi.

Pittsburg, Pa. Nov. 13 hehan Sinasapa tipiwakan itancan waseto wan hulinage.

ANPAO.

Rev. J. W. Cook, } Iapi Kalini-
Rev. E. Ashley. } gapi.

NOVEMBER.

28. Advent Anpetuwakan kin.
30. Saint Andrew Taanpetu kin.

DECEMBER.

5. Advent ed Anpetuwakan inonpa kin.
12. Advent ed Anpetuwakan iyamni kin.
15, 17, 18. Ember-Anpetu kin: ed tona Wicaša Wakan obe kin opeya hiyuwicayapi kte cin on ewicakiciyapi kin.
19. Advent ed Anpetuwakan itopa kin.
21. Saint Thomas Wahošiyē ta anpetu kin.
25. Christmas anpetu kin.
26. Saint Stephen taanpetu kin.
27. Saint John Wotanin Wašte owa kin taanpetu kin.
28. Iyaonpepica šni kin taanpetupi kin.

YAOTANINPI.

Hekta June 1882 ANPAO mazaska hiyohi šni kin on niya šni iština iyaya. Wanna ehantanh an omaka topa sanb wi zaptan inina wanka. Hekta bdokehan isanpatanhan owancayat anhan mriunkiciyapi qonhan Anpao nina aceyapi keyapi qa yuhicapi kta e škanpi, qe yaš wicaša econpi kta e wicakalinigapi kin econkapinpi qa Anpao heceknana inihanšni gopa wanka. Akeš ptinhan Omniciye kin ekta ake tanbyapi qa iyeced škanwicašipi, tka ake taku toktokeca on kokipapi qa takuna econpi šni. Anpao yuhicapi kin taku wokokipe seeca, woteka ocinšica wan iyececa. Qa akeš decana Yankton Agency ed mniunkiciyapi unkan Omniciye kin wicaša wicakalinigapi qon hena tokaheya iyowicapaštakapi qa waditaka wicakašapi; wanna awicakehan econpi kta keiciye wicayapi hehan token kuwapi kta e yušanpi. Qa wanna Anpao yuhicapi qa tanzaniyan un išta kin on wandakapi qa on widuškinpi naceca. Ho, hecetu. Tka ake liba qa

iština iyayin kte šni e tona kodayayapi kin dehand iyecikuipi qa tanka qa wašaka yakašapi kta e idukeanpi qa aičiciya yakuwapi kta iyececa. Iho po, wanna taku on ni kte cin kohanna hiyumakiya po. Wi akenonpa kašpapi šakpe on opetonpi kta. Tuwe kečeyas Anpao cin kinhan dehand wancag opeton kta wašte, okihi ehantanhans, heced oiokahēya yuhicapi kin hetanhan qa omaka ihunniyan takuna on canšidičiyē šni yawa qa towašte kamna kta.

Tohand wowapi yecašapi kinhan qaiš mazaska yaqupi kinhan decen wowapi ojuha akan oyawapi kta—Rev. Joseph W. Cook, Greenwood, Charles Mix Co., Dakota.

ADVENT.

Iapi kin de Ukte cin he kapi. Okodakiciyewakan taomaka tokaheya de oknayan cajeyatapi. Nov. wiyawapi iwicemna yamni St. Andrew wokiksuye kin hee. Qa Anpetuwakan tukte wanji wokiksuye anpetu kin he, akotanhan ištahena unman tukte wanji ikyena Anpetuwakan kin he Advent Anpetuwakan kin hee kta. Unkan Okodakiciyewakan taomaka kin ed Anpetuwakan tokaheya kin hee. Unkan Advent omaka kin ed Anpetuwakan topa hehand Christmas ed hiyounhipi. Christmas, Jesus tonpi wokiksuye anpetu kin hee.

Heced Christmas itahena Anpetuwakan topa Advent (Ukte cin) eyapi kin on toked unkapi kin onšpa tanin. Jesus u kta e unkapi qa awauncinpi. Qa he nonpakiya; hekta itohēya qa nakun tokata itohēya. Hekta waniyetu 1886 ecetu he ehan Wakantanka Cinhintku malipiya ayušan qa ded makata hi qa Mary Witanšna un qon etanhan wicacehipi ieu qa wicaša icaga. Qa tonpi qonhan Jesus eya caškiton, oknikde wakan econšiyeced, "Tayate kin walitanipi kin etanhan niwicayin kta heon." Ecin Jesus eyapi kin heced kapi. Heced Jesus qa Wanikiya eyapi kin sa kib owanjina kapi. Heced he dehand awauncinpi. Wakantanka wicaša maka akan unpi kin onšiwicada qa wawicagupi hinsko tanka wicagu kin he; qa Wakantanka Cinhintku kin wicada qa on-

šičiya qa maka šica qa woalitani ojuna ed hi, wicacehipi ieu qa tonpi qa wicaša ekna onnyan. Hehand taku on hecon, wicanagi niwicayin kta e, qa wicatančan wicotakuni šni qa wiconte kin etanhan ewicakdaku kta e hecon. Heced unkiyepi kin on wowiyuškin tanka, qa tonpi anpetu tawa kin ed hiyounhipi ca toked unkokihipi kin tipiwakan ayucopi kin on qa wowiyuškin odowan qa wocekiye oiyoikiyiya econpi kin on Iye ed wiunyuškinpi qa wacinunyanpi kin ukdutaninpi ece. Hehand takuku unkicičupi kin on Wakantanka walitanipi sa wawicagun he kiksuyeunkiciyapi. Hehand inonpa; Advent eyapi kin dehantu qa tokata itohēya. Wanikiya maka akan un qonhan wicaša wahowicaya: "Iho anpetu owasin cicipi waun. maka owihanke kin hehanyan," qa tokša maka owihanke kinhan ake wau qa wicaša owasin hecin wicabdasu kta ce. Heced toked Wanikiya wašte kin Iye wacinyanpi kin taokodakiciye towašte toktokeca kin on, qa Woniya Wakan toksape qa towašte kin on wicai, ohinni, anpetu wokokipe kin ed wicayasu kte cin on piwicakiyin kta e awauncinpi. Qa dena tukte wanji kečeyas unkaktapi šni qa unkabdezapi šni kinhan on dehand kohanna unikduhicapi qa unnašipi unikduceetupi qa unnipi kte cin owasin unikdušanpi qa unkaiciyapi kta iyececa. Hehand unkoliampi kin tona owotanana šni qa Wakantanka tawoope oknayan maniunšipi kin oknayan šni hena unkayušanpi qa eekiya wicohan wašte unkuwapi kte cin hena awauncinpi.

Hehand Jesus wicayasu kta e inonpa u kinhan iyohi on unkikičiwangapi kta: Anpetu ed hi kinhan he tuwa okihi kta he; qa ikdutanin kinhan tuwa najin kta he. Wicaša owasin hecin hed unpi kta yawapica šni kin hena wicitokab mišnana nawajin qa imacage ehantanh wawalitani tona on iyopecimičiyē šni kin hena taninyan obdake qa on mayasupi kte cin on wiyeya waun he. Wakantanka waonšida wanna woowotanna eciyatanhan walitanipi sa kin; Niyašicapi kin, mitantanhan iyaya po, peta owihanke wanica ekta, wakanšica taokiyewicaye cin koya on kašapi qon, ewicakiye cin-

han tomaketu kta hwo. De on wiyeya waun he. Maka kin o wancaya Wayasu un kin Toiyotanke tanka qa ska lice cin itokab najin owakihi kta he. Wicanagi owasin tokawicaye cin, Satan eciyapi kin, hed inajin qa aimaye cinhan, qa iyntanmaye cehan on mahinhpaya qa woalitani tona econmaši kin eced ecamon omiciyake cinhan toked nawajin kta he. Oknikde wakan awaumayake cin hed inajin qa toked awanmayake qa waštaya waun kta e aičiciye qa mayutitan ece, qe yaš anawağoptan šni qa woalitani ed iyemčiya, heced omayake cinhan tomaketu kta hwo. Hehand mitawacin kin on toked nawajin kta he. Tohan wicotawacin ašajapi kin, wicoie šica. owewakankan qa woalitani tona ecamon kin ehan-tanhan qa owecihan owasin hecin miciksuye cinhan. Hunhunhe wicayasupi wokokipe kin de toked itkowakipin kta he. Tohand ikdutanin kinhan tuwa najin kta he.

Eya Wakantanka qa Iye Cinhintku wašte kin taninyan unka-yuptapi. Canke Advent omaka ihanke kin ed Christmas wowiyuški kin unyuhapi. Eya tona Jesus ekta ičicupi kin henana Iye eciyatanhan inajinpi kta.

CHRISTMAS.

“Wankand Wakantanka wowitan yuha nunwe, qa maka akan wookiye, wicaša ekta wicotawacin wašte.” Jesus Wanikiya makata tonpi qonhan malipiya oknikde deced ahiyayapi. Wanna Wakantanka walitanpi sa Wanikiye iwahowicaye cin ehantanhan waniyetu kektopawinge topa qa wicoicage odota ičagapi qa tapi tka he yuecetupi kin wanyakapi šni. Tka wanna detanhan tokatakiya maka owihanke šni Jesus walitanpi sa niwicayin kte cin eciyatanhan Wakantanka wowitan yuha nunwe. Qa unkiš Wanikiya tonpi kin itabena unkicagapi kin oknikde wakan tadowanpi kin ed unkopapi kta iyececa. Unkan Okodakiciyewakan maka kin owancaya Jesus tonpi anpetu kin de ahopapi qa Atkuku towaonšida qa wawicagupi hinsko tanka wicagu kin on wopida qa wowitan pupi ece.

Nakun wanna Wakantanka

Cinhintku waštekidake cin kpağan, wicaša nipi kta e, qa Cinhintku is onšiciye qa walitanpi sa owicapeya hi qa wokakije iyotan akipe kte cin eciyatanhan wicaša ekta wicotawacin wašte kdutanin qa wicaša ob kicipajin kta cin šni sdodyewicaya.

Taku kin dena on Jesus torpi anpetu ea maka owancaya wowiyuški kin tanka unyuhapi. Unkan Jesus December wiyawapi 25 hehandu lica tonpi hee šni. Ecin anpetu qa wiyawapi tukte keçyaš wicaša ed torpi kin he taku iyotan šni. Tka wicaša is iye hea tuwa, qa taku wicaša kae, qa taku woonspe yuha qa wicotawacin qa taku wicohan wicaša ekta kuwa qa okihi qa kdustan kin hena taku tanka qa kiksuyepica.

Unkan unkiyepi kin on Wakantanka Cinhintku deanpetu wicaceliپی ieu qa wicaša ičaga, qa unkiš taku unkakipapi ece kin owasin opa kta e, qa Iye kin ed, qa Iye eciyatanhan, toked Wakantanka canteunkiyuzapi kin wicaša taninyan wanyakapi qa sdodyapi kta e wicaša ičaga. Wawayušna Itancan unkitawapi kta e hi, heced wicaceliپی kounyakapi kin icunhan toked iyotaniyeunki-yapi qa unkitawacinpi unkokicicalinigapi kta e wicaceliپی kokdaka qa heced Wawayušna Itancan waonšida heca kta e heon.

Iho, taku kin dena unkiksuyapi qa on Wakantanka wopida un-pupi, qa piya hecin unnagipi, untancanpi koya Iye ekta iyecetuya wakanyan, niyake waunkicikdušnapi kta iyececa. Qa nakun wacekiyapi tanyan unkdustanpi kinhan takuwicunyanpi qa kodawicunyanpi qa ob unkopapi kin wicocantewašte wotapi wicunkicaga-pi qa ob waunytapi qa wiunyuški kinpi kta he hecetu. Qa de taku tanka kin on wiunyuški kinpi kin kiksuyeunkiciciyapi kta e toked unkokihipi waunkicicupi he hecetu. Tka tuwe keçyaš dehand taku unkapi kin ed etonwe šni qa ikceya wotapi qa taku kicicupi kin hececa awacin qa kuwa kinhan taku iyotan kin atayeličin kdušna qa Wanikiya wašte qa waonšida kin yuonihan šni qa anpetu tawa kin yušica.

WAKPAMNI.

Dakota cšpaye owasin tamako-

cepi kin etanhan onpašpa Tunkanšina ekta wiyopekiyapi qa onpa kpağunpi šni kin akan ccekeced iyotankapi. Wanna wamanica on nikticiyapi qa tanyan unpi qon owasin kinind yustapi qa heced dehand wacinyepica šni. Heced oyate kin makce cçana ed yankapi kin toked taku iknipi qa ni-iciyapi kta e awacinpi ece. Wanna Tunkanšina eciyatanhan, qa iyotan Wicaša Wakan qa waonspikiya oyate ekna hiyupi kin eciyatanhan Wašicun wicohan cin-wicakiyapi qa heon Dakota nikticiyapi kta kewicakiyapi sa. Wicota wanna wicadapi qa kuwapi. Qe yaš tohan wicaša heced škanpi ea mazaska on econpi kta e nina cinpi qa yuhapi kta iyececa e iyeiciyapi. Tka tokedked iknipi kta hwo. Eya can iyutapi wanjikši kaksapi, qa taku wanjikši ičahiyapi, qa tuktekted wawaha wanji hecin okihihi qa wiyopeyapi. Hececa qe yaš mazaska ota šni qa taku ota ičakijapi canke wancag ataya wiyopeyapi qa ake mazaska tehan takuna yuhapi šni. Hekta tohonwind Wašicun wicohan nahanchein nina kuwapi šni qonhan iye tamazaskapi kin etanhan omaka iyohi Tunkanšina taninyan wicagu. He ehan mazaska toked wašte qa on okihihi kte cin qa toked tanyan wiyopekiyapi kte cin ecaca okicalinigapi šni, heced kohanna makoskan ilipeyapi qa eekiya takušnišni qa taku skuya ionakapi kta e icupi. Heced mazaska kektopawinge ota icupi eša on očihipi kta e takuna icupi šni. Hehand Dakota wopetonpi kin is heced iyokipipi qa wicaknayanpi qa wašakayena tamazaskapi wicakipi kta e aičiciyapi.

Hehand Tunkanšina kin taninyan mazaska wicagupi kin he hecetu šni kecin qa iye wiyopewicakiciyayin kta keya. Heced omaka iyohi maza hiyuwicakiye qa Ateyapi kin hena oyate kin wicakicikpamipi. Ota dakodikduzapi qe yaš hena Wašicun hayake icupi tka unpi kta cinpi šni. Winyan tanka sanksannica kağin kta e miniliuha iyutapi ota ieu kta iyececa qe yaš conana ieu qa unpicca šni. Hehand wikicanye, canpakmiyan, šungikan qa taku hecekececa nakun hiyuwicakiya, tka taku kin hena tanktanka qa on mazaska ota ynsotapi, heced wica-

qapi kta okihi šni, canke ota ican-
tešicapi ece. Hehand ateyapi ota
wicaša wicakapi qa nikteiciyapi
aičiciyapi kin ed ewicatonwanpi
šni, tka sinte hanka qa waci o-
manipi qa tankaiciđapi kin hena
iyotan kodawicaye qa taku kin
dena wicaqapi. Heceđ unmanpi
kin cantešidwicayapi qa wacinibo-
šagwicayapi ece.

Qa dena taku cinpi šni, is ece-
tu šni, is v owadagyapi kte šni e
makoskand takuku icupi kin a-
ktapi šni, heceđ ecana Wašicun
oksān iyotankapi kin taku šni
kin on ekta wiyopeyapi, canke
Tunkanšina Dakota nikteiciyapi
kta e taku opewicakicaton kin e-
cetū šni qa oyate saub walipanica
ayapi.

Ito Dakota oyate owasin taku
kin dena aiyekecanpi qa tokiyotan
oyate awicaye cin iwanyakapi wa-
šte.

Eya Tunkanšina ti kin ekta
mazaska yuhapi qa tawapi. Etan-
han hekta onspa taninyan wicaqu-
pi, tka Dakota šiceca iyecen ta-
wacinpi on tanyan wiyopeyapi šni
qa on iwaštepi šni. Qe yaš de-
hand ota waonspeiciyapi qa ota
nikteiciyapi kta e škanpi. He-
ceđ ake dehand mazaska tawapi
kin etanhan omaka iyohi taninyan
icupi qa is iyatayena wiyopeyapi
kinhan wašte kte seeca. Eya
wanjikši makoskan ilipeyapi qa
iyotanhaniyeiciyapi kta naceca,
qe yaš ocib iksapapi qa onspeici-
yapi kta. Mazaska taninyan icu-
pi kinhan hehand wicaša iyohina
taku tawa kin icu kta qa taku liea
cin qa on icakiye cin opeton kta
qa tuweni inakiwizi qa icantešicēn
kta wanica. Eya wanna waniye-
tu ota Tunkanšina Dakota šiceca
iyeced wicakuwa qa mazaska ta-
wapi kin wiyopewicakiciye qa š-
ina, hayaka, canpakmiyan, wiki-
canye, ptewaniyanpi qa woyute
hiyuwicakiciya, tka tanyan šni.
Heceđ detanhan wicaša iyeced wi-
cakuwa qa tamazaskapi wicakieu
qa is iyatayena wiyopeyapi kta e
iyowinwicakiya he oyate Tunkan-
šina kidapi qa cinkiyapi kta iye-
ceca. Ito Anpao iyukecan qa ku-
wanišipi.

Heband omaka wanji oyate ta-
mazaskapi oicage cin ataya wan-
cag icupi kinhan okinni tanyan
kte šni naceca. Ecin ota maza-
ska ekiknakapi qa tohanhan taku-

ku icakijapi ca tamazaskapi kin
etanhan kašpapi ekdakupi qa wi-
yopeyapi kin okihi šni, tka to-
hanyan nahanliein kašpapi wan-
jica kšaš wiyopeyapi šni kinhan
taku on ilipeyapi kta e akid unpi
seeca. Heceđ dena nahanliein š-
iceca iyeced unpi kin onsiwicadapi
kta iyececa. Decetu, Tunkanši
na tokaheya waniyetu wanjikši wi-
iyohi is wi iciyamni iyohi oyate ta-
mazaskapi kin etanhan, wi wanji
is yamni onspa tawa kin, wicaqu
kinhan, heband omaka ihunniyan
mazaska onge yuhapi qa toked
tanyan kduhapi ca wiyopeyapi
kte cin ocib onspepi kta. Tka
wanecag omaka wanji tawa kin a-
taya wicaqu kinhan okinni owa-
sin wi ota takuna yuhapi kte šni.
He nakun awacinpica.

Šiceca taku iwicakiciknapi qa
onsiwicadapi kin he hecetū liea.
Tka wanna icagapi qa is yataye-
na iciknapi kta iyececa qe yaš he-
ceknana šiceca iyeced wicakuwapi
kinhan wašake šniwicayapi qa wi-
caynišicapi kta. Okuwapi kin he
eciyanhan wicakuje qa oicilhipi
šni qa wicotawacin šica ota icali-
wicakiyapi.

OMNICIYE TANKA.

Oct. 6 hehan Chicago otowwe
en Omniciye tanka, General Con-
vention, heconpa.

Bishop owasin se en hipi, qa
hehan Diocese otioyohi etanhan
wicašta wakan topa qa wicašta i-
keeka topa, he kalinihi opapi.
Nakun Missionary Jurisdiction o-
toiyohi etanhan wicašta wakan qa
wicašta ikeeka ahna kalinihi opa-
pi, tuka dena taku yuštampi kte
ca opapi šni.

Obašpe kin etanhan hipi kin ta-
ku on cajeyatapi kinhan ecedan
on wohdakapi ece. Heceđ Dako-
ta ehna unškanpi kin etanhan
nom wicunkalinihi tuka wanji-
na en hi, Miwakanyuhe cin he.
Tuka icunom wicašta wakan nom
en hipi, Ihdakesa qa Sena.

Bishop owasin hen ptaya mni-
ciyapi qa kalinihi en hipi kin hena
tokan econpi, heceđ obe nonpapi.

Tokaheya mniciyapi qon hehan
witaya cekiyapi qa Bishop Bedell
eciya he 1 Timotheus 3, o. 15 e-
tanhan wahokonwicakiya. He o-
hakam wohdakapi kta iyotankapi,
qa anpetu 20 lehanyan econpi.
Taku itancanyan cajeyatapi kin

he dee.

1. Wicašta wakan on woopē o-
peyapi kte cin, tuka yuštampi šni.

2. Wašicun šapa Wotanin Wa-
šte wicaqapi kta hee. Unkan i-
wany kapi kta e Committee —
Bishop 5, Wicašta wakan 5, qa I-
keeya unpi kin 5 wicakalinihi
qa hena Washington, D. C. oyan-
ke itancan yuhapi kta qa wicohan
kin he kuwapi kta. Heceđ Ha-
sapa kin hena Christian hecapi
kta wicakuwapi kta.

3. Yewicašipi wicohan on Ye-
wicašipi Okolakiye apiyapi. He-
kta qonhan omaka iyomni ca mni-
ciyapi ece, tuka Council wan ka-
gapi qa he omaka iyohi ihduwita-
yapi kte ca wicohan kin he, wica-
šta qa wacekiya omniciye owasin
okaliniliwicaye kta, qa heceđ ma-
zaska on okiyapi kta.

4. Wakaukiciyuzayi qa kiciyu-
jujupi he iwohdakapi. Ecin Wa-
šicun ekta, qa Dakota eekaeš ta-
ku on etanhan šni se elipekiciyapi
sa qa he hecetū šni. Wawicili-
pi eceedan on elipekiciyepica, qa
tuwe wawicilihapi econ kin he
sanpa wanji yuza okihi šni, un-
man ni un hehanyan.

5. Wocakiye Wowapi piyapi
kta cajeyatapi, onspa yuštampi,
qa he tokata otanin kta. Hehan
onspa yuštampi šni qa he tokata
imniciyapi kinhan iwohdakapi kta.

6. Hehan Okodakiciye caje
Protestant Episcopal, eyapi kin,
wanjikši elipeyapi cinpi, qa caje
tokeca yuhe kta iyececa key pi,
tuka ota hecetudakapi šni, heceđ
ohnayan yuštampi šni.

7. Christian owasin odakonki-
ciyapi kta, qa Okodakiciye ota tu-
ka okonwanjidan kta heon Bishop
owasin wowapi wašte wan kagapi
qa Okodakiciye owasin iyukecanpi
kta cinpi.

8. Diocese nonpa caje hdutoke-
capi kta e iyowinwicakiye.

9. Missionary Bishop nom wa-
na tokan unpi heceđ Wicašta wa-
kan nonpa tohepi en unpi kta ka-
linihi tuka nahanli Bishop wi-
cakagapi šni.

10. Minnesota en Bishop ooki-
ye wan kalinihi qon he yuece-
tupi qa econ Bishop kagapi, Mr.
Gilbert hee. Tokata mniciyapi
kte cin New York otowwe entu
kta yuštampi. Eya taku cajeya-
tapi kin on iapi ota qa waštešte
tuka owasin oyagpica šni se, heon
decen pteptenyena omdaka,

YANKTON AGENCY.

CATECHUMEN OPAPI.

Tawakmuhawaštewin,
 11. Walipekoyukewin,
 B. nuah Flying-cloud,
 T. šunkuinapewin,
 Hinhanwakanwin,
 Henry Waštewa,
 Lizzie. Waštewa tawieu,
 Jennie Anapsica,
 Eugene Kutena Wellington.

BAPTISMA.

August 8, *Malcom DuPont*, he Joseph F. qa Harriet (Benoist) Estes cincapi, July 27 he chan tonpi. Harrison Hall, St. Paul's School okna wayawawicakiyapi kin hed eonpi.

Nov. 7. *Samuel Hewanke*, Samuel Uncagena Eli qa Wikute cincapi, 1889 he chan tonpi; qa *Jane*, Stephen Mačaga Jones qa Hinhanwakanwin cincapi, July 1885 he chan tonpi; qa *Jesse*, he William qa Ida (Cankutaninmaniwini) Provost cincapi, Sept. 14 he chan tonpi; qa Nov. 14 *William Penn*, Edward qa Margaret (LaPlant) Lyman cincapi, May 26 he chan tonpi; qa *Louise*, Luke qa Elizabeth Tunkannaškanskankwin (Veo) Whiteman cincapi; qa *Sophie*, John qa —Cook cincapi. Denakeca Church of the Holy Fellowship, Yankton Agency okna eonpi.

Chapel of the Holy Name, Choteau Creek, Oct. 12, *Amy*, Jan. 25, 1884 he chan tonpi, qa *Moses*, April 16, 1886 he chan tonpi, hena Frank Hešdušduta Canfield qa Tipiwaštewin cincapi; qa Nov. 7, *Mabel Elizabeth*, March 10, 1886 he chan tonpi, he Henry qa Victoria (McBride) Picotte cincapi.

Saint Philip's Chapel, White Swan, Aug. 29, *Alfred*, Aug. 1, he chan tonpi, John S. qa Theresa (Lambert) Hopkins cincapi.

WAKANKICIYUZAPI.

Church of the Holy Fellowship, Yankton Agency, okna, Nov. 14 Henry Little Eagle (Wanbiciqana) qa Lucy Winona, Rev. Joseph W. Cook kiciyuzapi kin yuwakan. Dena Conkicakse etanhanpi qa Hampton ekta wayawa iyayapi.

Dec. 16, Gilbert SanPierre qa Carrie Anderson; qa Christmas anpetu, Simon Pinzena Spider qa

Mary G. P. Packard, Rev. J. W. Cook wakankiciyuswicakiya.

WICATE.

Yankton Agency, Sept. 18, Charlotte Pandutawin, Robert Pajina Obashaw tawieu, waniyetu 30: qa Oct. 25, Ellen Puhina, he Taspanieu tawieu, qa David Šunkacanyomani cunwintku, waniyetu 22: qa Nov. 30, Mary, John Mawacopa Morgan qa Alice Wanbdišuninapewin cincapi.

Choteau Creek, Oct. 4, Anna (Arrow), Rev. Isaac H. Tuttle tawieu, waniyetu 19. Flandreau (Wakpaipakšan) ekta hapi. Šunkaunyanpi Mr. Tuttle de teliya waakiqa kin on icanteuščicapi. Onaka wanji sanb wi topa is yamni kici un hehan winyan wašte tawa kin ayušan qa Paradise makoce nagiyata iyaya.

Hekta November 10 ne chan Rev. Mr. Gravatt, Hampton, Va. ekta Wicaša Wakan, hokšina qa wicincana wayawapi tanka kin on mnawicaya omani qa ded kdi. Hokšina qa wicincana koya, akewanji Conkicakse qa Kunwicaša tipi kin eciyatadhan awicahi. Mrs. Johnston, St. Paul's School ed wayawa-itancan kin, wicakico qa anpetu wanjikši hed yankapi. Ihanktonwan hokšina qa wicincana wanjikši ob Hampton ekta yapi kta cinpi unkan etanhan Mr. Gravatt dena wicakaliniga: Chas. Picotte Jr. Battiste Pajina Lambert, John Bruyier, Henry Lyman, Charles Kealer, Charles Rullo, Pierre Archambault, Fredrick LaRochelle, James Garfield, Jennett Stricker (Onzoqe cunwintku). November 15, detanhan iyayapi, qa icand nina wa hinhan qa ibobdu qa mazacanku anaptapi. Heced Springfield ed anpetu šakowin owote tipi en owanji yankapi. Hanhepi wanji Hope School ekta wicakicopi qa dowanpi qa woška te kin on imačagaawicayapi. Bishop Hare nakun heciya yačka qa iapi wanjikši waštešte kin on wahokonwicakiya. Nov. 22 wanna mazacanku yuhdokapi qa Hampton ekta iyayapi.

Nov. 9 he ehand Ben McBride Sioux Falls, Dakota, (Halia otonwe) ekta wayawa iyaya. Hokšina ciscina qon chantanhan Hope

School qa St. Paul's School icaliyapi. Wanna koška wacinyepica qa wašte, heced All Saints School ekta sanpa waonspeiciye qa wicohan wan wašte on kenuheiciyin kta e opekiyapi.

William Holmes, Isanyati koška, wanna waniyetu yamni Šicangu oyate ekna Utuhu wakpana wicoti en Catechist qa waonspeikiya yuhapi, is eya tanyan e con kin on All Saints School ekta waonspeiciye kin e opa, de waniyetu.

Mačaska tipiwakan, St. Philip's Chapel, ekta Thomas F. Hunter (Mahipiyahanska) Catechist wicohan yuha qa tanyan abdiheiciya. Hed Koška Omnicie, tipiwakan kin ed okiyapi kta e kača.

Ateyapi kin decana canpakmiyan wikcemna nonpa, šungikan koya Ihanktonwan wicakicikpamni on wanjikši icantewaštepi qa wicota is icantešicapi qa yašicapi naceca. Mahiyubdu 120 nakun wicaqu.

SISSETON AGENCY.

CATECHUMEN OPAPI.

Nov. 16. John Unktehiša, Mary Tatehotewin, Nancy Winonawin, Maggie Julia Mahipiyaohnihdenajin, Joseph Huya, St. John Baptist tipiwakan en opewicayapi.

WAKANKICIYUZAPI.

Nov. 3, 1886 St. Mary tipiwakan, Stanley D. Harris qa Mary Ipatannajinwin, Rev. E. Ashley kiciyuswicakiya.

WICATE.

Nov. 1, 1886 St. Mary's tipiwakan en John Baptist Renville, he Moses qa Mercy Margaret Renville cincapi.

Oct. 30, 1886 St. Mary's tipiwakan en Mary Hehaka, he John Hehaka qa Wacinyarwin cincapi.

Nov. 23, 1886 St. John Baptist tipiwakan en, Mary Tonwankata, he Tonwankata qa Mazayumdecawin cincapi.

Mdoketu kin de Ptansinte ekta tipiwakan wan kačapi qa Oct. 17, hehan ohna tokaheya wacekiyapi. Wicota en hipi, apa Dakotapi qa

spa Wasicunpi, hecen tipi kin o-jaisu hea. qa ota tankan unpi. Wicašta tona Ptausinte en unpi kin on pidapi kte qa sanpa wicohian wakan sutaya yuzapi kta iyececa.

Tokawanunyanpi ekta, Saint James oyanke kin en tipiwakan yuhapi kta cinpi qa on etanhan dehan mazaska mnyanpi.

St. Andrew taanpetu, Nov. 30, he ehan Koska Okodakiciye wokiksuye anpetu he yuhapi. Hecen iyehan mnicuyapi qa wotapi wan econpi. Akam unpi kin etanhan wanjikši wicakicopi, hecen yuwitaya oyokipi. Wikcemna topa isanpa hen hipi. Wicaša Wakan kin dowanwicakiya qa wocekiye yuhidoka. Hehan mazaska awanyake cin token mazaska mna-ye qa yusote cin ohdaka. Iyohakam Wicaša Wakan iye nape ohna mazaska qupi qa on wicohian wakan okiyapi kin, wohitani econpi qa ou mazaska yawapica kin owasin ohdaka. Unkan ataya mazaska wikcemna šakpe sanpa šakowin isanpa.

Hehan wotapi qa ohakam ake omniciye yankapi qa hehan itancan unpi kte cin kalinigapi. Moses Renville itancan okihe kta yuštampi, qa John Tiomanipi mazaska awanyake, qa Gabriel Robertson wowapi kağa.

Hehan wohdakapi qa taku wanjikši yuštampi tka dehan owasin oyagmasipi šni hecen tokeca wowapi kağa cin heon wowapi kağa kta nace.

CROW CREEK AGENCY. WICATE.

Crow Creek Agency en Nov. 17, 1886, Emma Pteskawin ta. He Daniel P. Mahpiyapeta tawicu. Winyan wašte wan unkitapi. Hekta waniyetu šukowin iye Itancan kin en içiçu, unkan hehantanh Christ taakicita qa tawowaši wacinyepica heca un, ecen wanna Itancan tawa ekta iyaya. Hin-knaku kin he Catechist heca unkan hekta waniyetu wanji Hampton ekta ye kta cin, hecen taku onspeiciye kta on wicohian tawa sam tanyan econ kta okihi. Tawicu tancan tanyan un šni tka hknaku taku kuwa kin en okiye kta cin. heon is kici ye kta wicada. Tka tehan hen un kte šni

Wakantanka ikiciyukcan. Ekta wayazan hecen akupi kta iyececa. Unkan tiyata akdipi qa iecana ta. Wicohian wašte on walciunyan. Itancan tawa tohan qon iyececa. "Tona Itancan kin en tapi kin hena wicayawaštepi."

TAKUŠNISNI.

Conkicakse ekta tipiwakan tokan ayapi nina wayupikapi naceca. Ecin hekta waniyetu yamni tipiwakan, Christ Church eciyapi kin, he Kalimi kin etanhan ateyapi ti ekta tokan ayapi; tipi nina tanka eša heconpi. Unkan dehan ake tipiwakan ciqana ateyapi ti en he ciqon he Kalimiyata ekdepi kta keyapi. William Waksuyemani tamuka hen he kta, qa All Saints tipiwakan eciyapi kta. Hecen wanna oyate hen unpi kin wicohian wašte kin nina awacinpi kta naceca.

Conkicakse en Zitkanawanmdi decana ta. Pahawakan ekta can kakse i unkan siha šicaya kicaksa. Hecon qa anpetu zaptan ni ecen ta.

Conkicakse ateyapi kin Canšuskaojuna wakpa heciya oyate wanwicayag onani, unkan can talica tanka wan o. Nina waoka naceca. Nakun wicaša mdiheca. Oyate kin tanyan awanwicayaka keyapi.

Hunkpati Conkicaske en unpi kin oiçihi ayapi. Dakota wanji wowapi tokšu yuhapi. D. K. Howe (Onspešni) he wicohian kin he awanyaka. Wicaša kin he nakun wanna waniyetu ota mazopiye ynha.

SICANGU OYATE.

Sicangu wicayawapi yunkan kektopawinge šakowin sanpa opawinge šakpe ecetu keyapi.

Lecala ateyapi tokeca, Col. L. F. Spencer eciyapi.

He itokab ateyapi qon he Hon. Jas. G. Wright hee. Hecela tehan ateyapi, waniyetu topa hehanyan. Eya wašte lakaš tehan ateyapi naceca. Tehan ateyapi nahana agna wašte yelakaš isnala oyate lila taku okihiwicaya. Owaonspekiye tipi akenonpa (12)

oyate wicakicaga. Abebeya, maka-koce owoju waštešte kalinih iyo-tangwicaya. Hecekel ohinni taku wašte na on oiçihipi kta iyececa cinwicakiyin na wicaqu. Iapi ptecela wan ijehan on ksabwicayin kta kuwa. "Tona oiçiyapi cinpi kiu henala owicawakiyin kta wacin ce," eye sa qon hee.

He kigla yunkan wicaša icantešicapi kin hena otapi naceca.

Lecala ateyapi kin, kigle cin iyecel wašte kta naceca.

Taku oyasin tanyan ablezin na owotanla kuwa kta wacin selececa.

Nahanhecin wakpamnipi šni.

Wakpamnipi maza kin blihela tokiksupi eša nahanhecin iyuhahcin aglipi šni kin heon.

Sicangua wanna wayawawicakiyapi akešakpe yuhapi. Hena nonpa Glešni Wayawawicakiyapi (Boarding School) heca. Unmala Tunkanšilayapi kin tawa šni. Ška Un Okolakiciye Wakan kin na Šinasapa Okolakiciye Wakan kin hena wanjikjila tawapi.

Wayawawicakiyapi ikceka Day School aketopapi kin hena ake-nonpa Tunkanšilayapi kin tawa. na nonpa Congregational Okolakiciye Wakan kin tawapi.

Agna wakanheja otonwahela wayawa iyayapi.

Wocekiye oyanke akezaptan tka hena wanjikši el tehanhanšna wakankekiyapi šni. Tohan econpi eca oyate kitanna tanyan el ewacinyan škanpi.

Blokehan Sicangu oyate onšpa tanka tanyan wojupi na maga sanpa tanktanka içicağapi, tka magaju šni canke tuktela lila ota icaliyapi šni.

Matoluzahan ti kin hel ecela kitanla taku ota icaliyapi naceca.

Waniyetu iyohila sam wowaši econ wacinpi.

Lehanl watoksupi kin he na canglepi, wayawa tipi ecel wiyo-peyapi kta e, kaksapi kin henaoza lila kuwapi.